

Ekskluzive

Ekskluzive | Këta janë tre të arrestuarit në aksionin e madh antidrogë në Ferizaj – u kapën me marihuanë, hashash, kokainë, armë dhe 1,700 euro



Sinjali.com

07 Gusht 2026 19:38



Sinjali mëson ekskluzivisht identitetin e tre personave të arrestuar në operacionin e zhvilluar nga Drejtoria për Hetimin e Trafikimit me Narkotikë (DHTN) në Ferizaj, në kuadër të planit operativ “Vera 2026”.

Burimet e Sinjalit bëjnë të ditur se në pranga kanë përfunduar Arbrin Halili, rreth 32-vjeçar, Florent Sahiti, rreth 27-vjeçar dhe Edi Sahiti, rreth 20-vjeçar, të cilët dyshohen për blerje, posedim, shpërndarje dhe shitje të paautorizuar të narkotikëve, si dhe për mbajtje në pronësi ose kontroll të paautorizuar të armës.

Operacioni u zhvillua në rrugën “Kemajl Hetemi” në Ferizaj, pasi hetuesit kishin siguruar informacione operative se në afërsi të kafiterisë “Cap Bar” zhvillohej aktivitet i dyshuar për shpërndarje të narkotikëve.

Fillimisht u ndalua Arbrin Halili, tek i cili u gjet marihuanë. Më pas Policia bastisi dy shtëpi dhe lokalin e lidhur me Florent dhe Edi Sahitin.

Sipas burimeve, në momentin e hyrjes së Policisë, Edi Sahiti tentoi të zhdukte provat, duke hedhur nga dritarja e dhomës së tij dy qese me marihuanë, por veprimi u vërejt nga zyrtarët policorë, të cilët i sekuestruan menjëherë.

Gjatë aksionit u konfiskuan: 485.27 gram marihuanë, 181.7 gram hashash (“çokollatë”), 2.1 gram kokainë; 1,700 euro para të gatshme; një pistoletë me gaz me karikator dhe tri bombola gazi; dy peshore; dy grinderë për bluarjen e marihuanës; qese për paketim; tetë telefona celularë; si dhe pajisje të sistemit të kamerave.

Burimet bëjnë të ditur se gjatë aksionit është kanosur edhe një zyrtar policor nga një anëtar i familjes së të dyshuarve, për çka pritet të iniciohet procedurë penale e veçantë.

Me vendim të Prokurorit të Krimeve të Rënda, tre të dyshuarit janë ndaluar për 48 orë, ndërsa hetimet për zbardhjen e plotë të aktivitetit të tyre janë në vazhdim.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera